

შპს „გურამ თავართქილაძის სასწავლო უნივერსიტეტი“

დამტკიცებულია

რექტორის მიერ

ბრძანება № 01-01/08 10 თებერვალი 2011 წ.

შეტანილი ცვლილება:

1. რექტორის 2013 წლის 4 ნოემბრის ბრძანება №01-01/56
(სახელწოდების ცვლილება)

სტუდენტებთან და კურსდამთავრებულებთან ურთიერთობის
განყოფილების

დებულება

თბილისი
2013 წ.

მუხლი 1. ზოგადი დებულებები

- 1.1. გურამ თავართქილაძის სასწავლო უნივერსიტეტის სტუდენტებთან და კურსდამთავრებულებთან ურთიერთობის განყოფილება (შემდგომში „განყოფილება“) წარმოადგენს უნივერსიტეტის სტრუქტურულ ერთეულს;
- 1.2. აღნიშნული დებულება განსაზღვრავს განყოფილების სამართლებრივ სტატუსს, მიზნებს და ამოცანებს, მართვის ორგანიზაციას და სტრუქტურას, აგრეთვე მის საქმიანობასთან დაკავშირებულ სხვა ურთიერთობებს.
- 1.3. განყოფილება თავის საქმიანობაში ხელმძღვანელობს საქართველოს კანონმდებლობით, კანონქვემდებარე ნორმატიული აქტებით, უნივერსიტეტის წესდებით და წინამდებარე დებულებით;
- 1.4. განყოფილება ანგარიშვალდებულია უნივერსიტეტის რექტორის და რექტორის მოადგილის წინაშე.

მუხლი 2. განყოფილების მიზნები და ამოცანები

2.1. განყოფილების მიზანია:

- ა. სტუდენტების უფლებებისა და თავისუფლებების განუხრელი დაცვა; სტუდენტთა საქმიანი ინიციატივების და აქტიურობის ყოველმხრივი წახალისება, მხარდაჭერა და კოორდინირება; ჯანსაღ სპორტულ-შემოქმედებით სტუდენტურ ცხოვრებაში სტუდენტთა მოტივირებისა და ჩართვის უზრუნველყოფა;
- ბ. გთსუ-ს სტუდენტებთან ინდივიდუალური მიდგომების გზების ძიება, მათთან გულისხმიერი და კოლეგიალური დამოკიდებულებების ჩამოყალიბებასა და შენარჩუნებაზე ზრუნვა;
- გ. კურსდამთავრებულებსა და უნივერსიტეტს შორის ეფექტიანი თანამშრომლობის უზრუნველყოფა, მის განმტკიცებასა და განვითარებაზე ზრუნვა.

2.2. განყოფილების ამოცანებია:

- ა. შემოქმედებითი, სპორტული, შემეცნებითი, საქველმოქმედო ღონისძიებების, გამოფენების დაგეგმვა, ორგანიზება, შეფასება;

ბ. სტუდენტურ ორგანიზაციებთან ურთიერთობა, სტუდენტური პროექტებისა და ინიციატივების ხელშეწყობა და კოორდინირება;

გ. სხვადასხვა სტუდენტურ პროგრამებზე (როგორც ქვეყნის ფარგლებში, ისევე საზღვარგარეთ) ინფორმაციის მოძიება, გავრცელება და მათში სტუდენტთა მონაწილეობის ხელშეწყობა;

დ. შესაბამის ფაკულტეტთან ერთად სხვადასხვა პროფილურ ორგანიზაციებში სტუდენტთა ექსკურსიების ორგანიზება;

ე. პარტნიორი უნივერსიტეტების ანალოგიურ სტრუქტურებთან ურთიერთობების განმტკიცება და ერთობლივი ღონისძიებების ჩატარების უზრუნველყოფა;

ვ. ფაკულტეტებთან მჭიდრო ურთიერთობებით სტუდენტთა გამოკითხვის ორგანიზება, მათი მოლოდინების, პრობლემების, წინადადებების, მოსაზრებების ანალიზის მიზნით; ანალიზის შედეგების წარდგენა შემდგომი რეაგირებისათვის;

ზ. სტუდენტთა კანონით დაშვებული მონაცემთა ბაზის შექმნა (სპეციალური საჭიროებების სტუდენტები, ფეხმძიმე სტუდენტები, სტუდენტი მცირეწლოვანი შვილით/შვილებით, უნივერსიტეტის სტუდენტების მიერ შექმნილი ოჯახები, წარჩინებული სტუდენტები; სტუდენტები, რომლებიც სწავლობდნენ საზღვარგარეთ და სხვა), მისი მუდმივი განახლება. ინფორმაციის მიწოდება ხელმძღვანელებისათვის მასზე შემდგომი რეაგირების მიზნით.

თ. კურსდამთავრებულთა დასაქმების ბაზის შექმნა-განახლება;

ი. უნივერსიტეტის კურსდამთავრებულთა ასოციაციის ჩამოყალიბების ორგანიზება;

კ. კურსდამთავრებულთა და სტუდენტთა სხვადასხვა თემატური შეხვედრების ორგანიზება;

ლ. უნივერსიტეტში მიმდინარე პროცესების, ღონისძიებებისა და სიახლეების შესახებ კურსდამთავრებულთა ინფორმირება მათი საუნივერსიტეტო ცხოვრებაში აქტიური ჩართვის მიზნით.

მუხლი 3. განყოფილების მართვა და სტრუქტურა

3.1. სტუდენტებთან და კურსდამთავრებულებთან ურთიერთობების განყოფილებაში არის 2 სამტატო ერთეული: განყოფილების უფროსი და განყოფილების მთავარი სპეციალისტი, რომელთაც თანამდებობაზე ნიშნავს და თანამდებობიდან ათავისუფლებს რექტორი;

3.2. განყოფილების საქმიანობას წარმართავს განყოფილების უფროსი, რომელიც:

ა. განსაზღვრავს და წარმართავს განყოფილების სტრატეგიას, საუნივერსიტეტო სტრატეგიის შესაბამისად;

ბ. შეიმუშავებს მოკლე და გრძელვადიან გეგმებს;

გ. ამზადებს წინადადებებს განყოფილების განვითარების შესახებ და წარუდგენს რექტორს და რექტორის მოადგილეს;

დ. ასრულებს ამ დებულების 2.2. პუნქტებით გათვალისწინებულ ვალდებულებებს;

ვ. საქმიანობის ეფექტიანად წარმართვისათვის თავისი კომპეტენციის ფარგლებში უფლება აქვს მოითხოვოს ინფორმაცია უნივერსიტეტის სტრუქტურული ერთეულებიდან;

3.3. განყოფილების უფროსის არყოფნის დროს მის უფლებამოსილებას ასრულებს განყოფილების მთავარი სპეციალისტი; რომლის ფუნქციაა:

ა. განყოფილების უფროსის მითითებებისა და დავალებების შესრულება ამ დებულების 2.2. პუნქტებში მითითებული ამოცანების შესაბამისად;

მუხლი 4. დასკვნითი დებულება

4.1. დებულებას ამტკიცებს რექტორი, რექტორის მოადგილის წარდგინებით დებულებაში ცვლილებებისა და დამატებების შეტანა, ან მისი გაუქმება ხორციელდება უნივერსიტეტის რექტორის ბრძანებით;

4.2. განყოფილების რეორგანიზაცია და ლიკვიდაცია ხორციელდება კანონით დადგენილი წესით.